

Alkitab Sagan Kakanakan Mengenal akan



Matan
Panganiaya
Manjadi
Pangkhutbah



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen


Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.





Tuhan malakuakan
parbuatan-parbuatan nang
ganal malalui umat Nya pas
gereja mula-mula. Saurang
lakian, bangarang Filipus, inya
sibuk banar mangisahakan ka

banyak urang di kuta
manganai Yesus. Tapi
Tuhan mangirim inya
ka padang gurun.
Kanapa?





Tuhan tahu ada saurang nang dalam parjalanan di padang gurun, saurang panganal di bawah pamarintahan Ratu Kandake matan Etiopia. Inya dalam parjalanan bulik lawan mambaca sabuah Buku nang istimewa.

Bisakah ikam manabak buku napakah ngintu?



Pas Filipus manaati Tuhan,

Tuhan mamimpin inya langsung ka panganal nang sedang mambaca Firman Tuhan tanpa mangarti artinya. Inya mangundang Filipus hagan bagabung lawan inya.



"Napa artinya ngini?" pamganal ngintu batakun ka Filipus. Salama karita ngintu tagoncang-goncang di sapanjang parjalanan di padang gurun, Filipus mulai bapandir matan ayat-ayat Firman Tuhan ngintu, inta barkhutbah tantang Yesus ka inya.





Lawan lakas
pamganal Afrika
ngintu mamparcayai pasan
Alkitab, amun Yesus Kristus
adalah Anak Allah. Sampai di
sabuah mata banyu, inya baucap,
"Napa halangannya amun aku dibaptis?"



Imbah ngintu Filipus baucap, "Amun tuan parcaya lawan saganap hati bulih." Pas pamganal ngintu manjawa, "Aku parcaya, amun Yesus Kristus adalah Anak Allah."
Imbah ngintu Filipus mambawa inya ka banyu lawan mambaptisakan inya.






Lakas imbah inya kaluar
matan banyu, Ruh Tuhan
tiba-tiba malariakan Filipus,
lawan panganal matan Afrika
ngintu kada malihat inya lagi.
Inya babulik ka Etiopia lawan
sukacita!



Tapi sapalih urang mambanci urang-urang Kristen. Stefanus saikung urang kawan Filipus, dibunuh ulih urang-urang nang sarik nang kada manginginakan inya bakisah tantang Yesus. Saurang lakian bangarang Saulus matan Tartus manganii hagan mambunuh Stefanus.



Saulus, barkobar-kobar
hatinya hagan mangacam
lawan mambunuh urang-urang
Kristen, inya tulak ka imam
ganal lawan maminta surat
kuasa mata inya hagan
Manahan lakian atawa binian
nang mangikuti Yesus.






Saulus matan
Tarsus nang malang!
Inya kada tahu
amun pas inya
malukai umat Tuhan,
sasungguhnya inya
manyakiti Tuhan
Yesus saurang.
Tuhan harus
manghantiakan
Saulus. Tapi
kayapa?



Tuhan "Manahan"
Saulus! Samantara
Saulus dalam parjalanan
ka kuta Damsyik, Tuhan
mamparlihatakan sinar
nang luar biasa matan
surga. Saulus gugur ka
tanah. Imbah ngintu
tadangarlah sabuting
Suara.





“Siapa Ikam Tuhan?”

Saulus batakun. “Akulah Yesus nang ikam aniaya.” Lawan bagatar lawan kahiranan, Saulus manjawab, “Tuhan, napa nang Ikam handak hagan aku lakuakan?” Lawan Tuhan baucap ka inya, “Bangunlah lawan tulaklah ka dalam kuta, di sana pacangan dikatakan ka ikam napa nang harus ikam parbuat.”

Urang-urang nang
basama Saulus jua
mandangar Suara,
tapi kada malihat
saurangpun. Saulus
bangun matan tanag
lawan mandapati
dirinya manjadi
buta! Buhannya
manuntun inya
masuk ka
Damsyik.



Di dalam kuta, Saulus
salama talu hari kada
kawa malihat lawan
jua kada makan lawan
minum. Inya mamakai
waktunya hagan
badua ka Tuhan Yesus
nang manamuinya di
Damsyik.



Tuhan marancaakan samunyaan.
Di Damysik ada saurang murid
nang bangarang Ananias. Tuhan
mangirimakan inya hagan
manulung Saulus. Ananias
marasa takutan. Tapi inya
manaati Tuhan. Pas
inya manumpangkan
tangan diatas Saulus,
kabutaannya
diwagasakan lawan
Saulus dihibaki
lawan Kudus.





Saulus dibaptis. Imbah ngintu buhannya makan. Lawan inya imbah makan inya marasa kuat. Saulus mambutuhakan kakuatan. Inya baisi sasuatunang panting banar hagan digawiakan.



Lawan lakasnya Saul bakhotbah tantang Kristus di rumah-rumah ibadah, lawan baucap amun Inya adalah Anak Allah. Imbah ngintu samunyaan urang nang mandangar manjadi hiran, lawan baucap, "Lainkah inya ni nang handak mambinasaakan urang-urang Kristen?"

Lawan sapalih rancana disusun hagan

mambunuh Saulus.





Musuh-musuh Saulus nang hanyar manjaga garbang kuta hagan mambunuh Saulus amun inya mancuba hagan maninggalakan kuta. Tapi kakawanan hanyar Saulus, urang-urang Kristen, maambil inya lawan manurunakannya matan atas tawing dalam sabuah karanjang nang ganal.





Pas ngintu, Saulus si panganiaya urang Kristen hidup sabagai pangikut nang bariman ka Tuannya nang hanyar, Tuhan Yesus Kristus.



Matan Panganiaya Manjadi Pangkhutbah
Sabuting kisah matan Firman Tuhan, Alkitab
Taulih dalam
Kisah Para Rasul 8 lawan 9

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memadah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

